

Muhyiddin kunjungi Jalan Masjid India
Utusan Online
5 Ogos, 2012

KUALA LUMPUR 5 Ogos - Dalam kesibukan tugas sebagai pemimpin nombor dua negara, Tan Sri Muhyiddin Yassin hari ini mengambil kesempatan cuti hujung minggu untuk mengunjungi Jalan Masjid India di sini yang sinonim sebagai lokasi beli-belah bagi persiapan Hari Raya Aidilfitri.

Timbalan Perdana Menteri yang tiba pada pukul 11.30 pagi meluangkan masa kira-kira 45 minit meninjau sekitar kawasan perniagaan bumiputera tersebut.

Beliau yang kelihatan cukup santai dan bersahaja turut singgah di beberapa premis perniagaan untuk beramah-mesra dengan para penjual serta orang ramai.

Beberapa pengunjung kelihatan terperanjat serta teruja apabila berselisih dengan Muhyiddin dan ada di antara mereka yang mengambil kesempatan untuk bersalaman dengan beliau.

Muhyiddin kemudiannya singgah di kedai Patimah dan Anak-Anak Sdn. Bhd. untuk membeli songkok sempena Aidilfitri ini. - UTUSAN

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Dalam_Negeri/20120805/dn_22/Muhyiddin-kunjungi-Jalan-Masjid-India